



Na osnovu člana 90. Statuta Općine Ilidža, (Prečišćeni tekst - „Službene novine Kantona Sarajevo“, broj 33/10 i 18/16) Općinski načelnik donosi

PRAVILNIK O UTVRĐIVANJU USLOVA, KRITERIJA I POSTUPKA ZA IZBOR NAJLJEPŠEG DVORIŠTA I BALKONA SA CVIJETNIM ARANŽMANOM NA PODRUČJU OPĆINE ILIDŽA

OSNOVNE ODREDBE

Član 1.

Ovim Pravilnikom utvrđuju se uslovi, kriteriji i postupak za izbor najljepšeg dvorišta i balkona sa cvijetnim aranžmanom na općini Ilidža.

Član 2.

Pravo na učešće imaju svi zainteresirani građani, koji imaju prebivalište na području općine Ilidža, osim uposlenika Općine Ilidža i njihovih bliskih srodnika sa kojim žive u zajedničkom domaćinstvu.

IZBOR KANDIDATA

Član 3.

Općinski načelnik objavljuje Javni poziv za „Izbor najljepšeg dvorišta i balkona sa cvijetnim aranžmanom na području općine Ilidža“ na web stranici i na oglasnoj ploči Općine Ilidža.

Javni poziv sadrži: uslove i kriterije za ocjenjivanje najljepšeg dvorišta i balkona, rok za podnošenje prijava i druge podatke neophodne za provođenje Javnog poziva.

Izbor se vrši na osnovu pristiglih prijava na Javni poziv.

Član 4.

Općinski načelnik imenuje Komisiju za izbor najljepšeg dvorišta i balkona.

Zadatak Komisije: izvršiti obilazak lokacija i kandidata koji su se prijavili i ispunjavaju uslove javnog poziva, sačiniti fotodokumentaciju, ocijeniti prijave prema kriterijima i dostaviti prijedlog dobitnika nagrada za najljepše dvorište i balkon sa cvijetnim aranžmanom Općinskom načelniku.

Izbor najljepšeg dvorišta i balkona sa cvijetnim aranžmanom vrši Općinski načelnik na prijedlog Komisije.

O rezultatima Javnog poziva, kandidati će biti obaviješteni putem web stranice i putem oglasne ploče Općine Ilidža.

KRITERIJI

Član 5.

Kriteriji za izbor najljepšeg dvorišta i balkona sa cvijetnim aranžmanom su:

- Održavanje i urednost dvorišta – balkona;
- Uloženi trud, izbor i njegovanje biljaka, poštivanje tradicije i elemenata našeg podneblja;
- Ukupni estetski dojam.

NAGRADE

Član 6.

Visina novčane nagrade za najljepše dvorište i balkon za prvo, drugo i treće mjesto utvrdit će se u Javnom pozivu.

Član 7.

Pravilnik stupa na snagu danom donošenja, a biće istaknut na oglasnoj ploči i web stranici Općine Ilidža.

Stupanjem na snagu ovog Pravilnika prestaje da važi **Pravilnik o utvrđivanju uslova, kriterija i postupaka za izbor najljepšeg dvorišta i balkona sa cvijetnim aranžmanom na području općine Ilidža, broj 02-02-2172/19 od 20.05.2019 godine.**

Broj: 16-18-2294/21

Ilidža, 11.05.2021

OPĆINSKI NAČELNIK

Nermin Muzur, magistar uprave

